

Warhafftige Kontrafactur
 Einer Braunschweigischen Jungfraw Gesche Meiburgs
 genandt/ eines Radenmachers Tochter/ ihres Alters bey 34. Jahren/ welche sich
 in nächster Belägerung der Statt Braunschweig/ mit schiessen vnd anderen Wöhren
 ganz Ritterlich verhalten hat.



Ich Gesche Meiburg so genandt/
 In der Statt Braunschweig wol bekandt
 Geboren weil ich darinn war/
 Als ich auff vier vnd dreyssig Jar/
 Bin kommen/ wurd mit macht die Statt/
 Belägeret von dem Hertzog hart/
 Da leib vnd Blut ich künlich wagt/
 So lang es meinem Gott behagt/
 Vnd ob ich wol ein Weibes bilde/
 Noch hat mich Gott begabet mit/
 Mit kräftigen Hertz Muth vnd verstande/
 Da s da die Statt hart ward berandt/
 Ich solche Charten hab gethon/
 Die einem Helden wol anstahn/

Dann ich mit büren/ kolben/ Schwert/
 Mich einem Kriegsmann gleich gewöhrt/
 Dann manchen Helden auff der stätt/
 Ich lözen vnd erlegen thet/
 Der liebe Gott wol mir forthan/
 Mit seinen guaden noch beystan/
 Vnd wann mein leben hat ein End/
 Nemen mein Seel in seine Hand/
 Von diesem Weibs bild wirdt geschriben/
 Das gar vill durch jr faust gebliben/
 Mit schiessen/ hawen/ schlagen/ stechen/
 Wie sie vermainet durch zu brechen/
 Gleich der Jungfrawen haben mehr/
 Die Braunschweigische Weiber Ehr/

Erzaiget vnd geleet ein/
 Theils auff die Wähl gelauffen sein/
 Vnd vnder die feind vnuerdrossen/
 Geworffen stain/ vnd stardt geschossen/
 Sich auch gewöhrt/ mit ganzer macht/
 Mit allen wöhren wol bedacht/
 Mit Wasser haß/ brennendem Hartz/
 Offt manchem gemacht die Nasen Schwarz/
 Dem feind nit gütter wort vil gaben/
 Verachtet/ sonder freyrtig haben/
 Das man noch wirdt in manchen tagen/
 Von Braunschweigischen Weibern sagen,

Zu Augspurg/ bey Daniel Spring Brieffmalter vnd Formschneider/ in Jacober Vorstatt am Barrenghöflin.